

Зура нүцэгдв

Каспийск района «Красный моряк» колхозин колхозникуд болн механизатормуд эн джил хойр джилд малд күрх хот белдхмн гисн Приозернәнхнә дуудврин хәрүд, үннседклән өгч кәдләд, өвс хадлгъна зурагъан күцәчкв. Колхоз эн джил 1300 гектар газр хадх даалгъврта билә, июнин 10-д эн колхоз 1350 гектар газр хадчкв. Хадгдсн газр күцәдән мааджурдгдсн бәәнә, зүг скирдллгън невчк ард үлддж йовна. Ода деерән колхоз 350 тонн шимтә, көк өвс хурачксн бәәнә, скирдллгъиг дарунь улм түргдүлхәр кол-

хозникуд, механизатормуд шундж йовцхана.

Өвс хадлгъна комплексн бригадин механизатормуд Н. Очиров, С. Бадма-Халгаев болн нань чигн улс өдрә зурагъан 160 процент күргдж күцәнә.

Ода, көвәгъяр ургъсн никт өвсн хадгдджана, эн газрин гектар болгънась 8-9 центнер өвс авгдджана.

Колхозникуд болн механизатормуд өвс хадлгъар авсн джилә зурагъан хойр холванднь күцәхәр зүткдж йовцхана.

С-Г. ГАРЯЕВ.